

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA KUMI NA NANE**

**27 APRILI, 2018**



## **ORODHA YA SHUGHULI ZA LEO**

### **MKUTANO WA KUMI NA MOJA**

**KIKAO CHA KUMI NA NANE – TAREHE 27 APRILI, 2018**

**I. DUA:**

**II. HATI ZA KUWASILISHA MEZANI:**

**WAZIRI WA ELIMU, SAYANSI NA TEKNOLOJIA:**

Randama za Makadirio ya Mapato na Matumizi ya Wizara ya Elimu, Sayansi na Teknolojia kwa Mwaka wa Fedha 2018/2019.

**WAZIRI WA HABARI, UTAMADUNI, SANAA NA MICHEZO:**

Hotuba ya Makadirio ya Mapato na Matumizi ya Wizara ya Habari, Utamaduni, Sanaa na Michezo kwa Mwaka wa Fedha 2018/2019.

**MWENYEKITI WA KAMATI YA KUDUMU YA BUNGE YA HUDUMA NA MAENDELEO YA JAMII:**

Taarifa ya Kamati ya Kudumu ya Bunge ya Huduma na Maendeleo ya Jamii kuhusu Utekelezaji wa Majukumu ya Wizara ya Habari, Utamaduni, Sanaa na Michezo kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2018/2019.

### **III. MASWALI:**

#### **WIZARA YA UJENZI, UCHUKUZI NA MAWASILIANO:**

##### **144. MHESHIMIWA JOHN PETER KADUTU (ULYANKULU):**

Atamuuliza Mheshimiwa Waziri wa Ujenzi, Uchukuzi na Mawasiliano:- Jimbo la Ulyankulu linakabiliwa na tatizo la mawasiliano ya simu hasa katika Vijiji vya Ibambo, Mwongozo, Ichemba, Kanoge, Ilege, Busanda, Bulela, Ikonongo, Igombemkulu na maeneo mengine mengi:-

Je, ni lini Kampuni za simu zitamaliza tatizo la mawasiliano katika Jimbo la Ulyankulu.

##### **145. MHESHIMIWA ASHA ABDULLAH JUMA (VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Kumekuwa na kero kubwa kwa Wananchi wanaotumia huduma za

*Cable TV* hasa *Dodoma Cables*; Wananchi wanalipia lakini hawapati huduma ipasavyo:-

Je, ni lini Serikali itawadhibiti na kwa namna gani baadhi ya *Service Providers* kama hawa ambao wamekuwa wakiwadhulumu Wananchi.

**146. MHESHIMIWA DKT. PUDENCIANA WILFRED KIKWEMBE (KAVUU):**

Atamuuliza Mheshimiwa Waziri wa Ujenzi, Uchukuzi na Mawasiliano:- Daraja la Kavuu limekwishakamilika:-

Je, ni lini daraja hilo na barabara ya kutoka Majimoto-Inyonga vitaanza kutumika.

**WIZARA YA VIWANDA, BIASHARA NA UWEKEZAJI:**

**147. MHESHIMIWA MARWA RYOBA CHACHA (SERENGETI):**

Atamuuliza Mheshimiwa Waziri wa Viwanda, Biashara na Uwekezaji:- Kiwanda cha Nguo cha Mutex cha Musoma Mjini amepewa Mwekezaji lakini mpaka sasa hakifanyi kazi vizuri:-

Je, ile ahadi ya Rais ya kurudisha viwanda visivyofanya kazi ipo katika hatua gani.



**WIZARA YA AFYA, MAENDELEO YA JAMII, JINSIA, WAZEE NA WATOTO:**

**148. MHESHIMIWA JAMES FRANCIS MBATIA (VUNJO):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Serikali imekuwa ikitoa sehemu ya huduma za afya hapa nchini kwa ubia na Mashirika ya Dini na/au Taasisi zisizo za Kiserikali:-

(a) Je, ni kwa asilimia ngapi ya ubia huo kwa kila upande kati ya Serikali na Mashirika ya Dini au Serikali na Taasisi nyingine zisizo za Kiserikali;

(b) Je, kwa kipindi cha miaka 20 iliyopita ubia huu umepata mafanikio kiasi gani na kwa kutumia vigezo gani kwa Hospitali ya Kilema;

(c) Kwa kipindi tajwa hapo juu, Je, ubia huo umepatwa na changamoto kiasi gani na kwa kutumia vigezo gani kwa Hospitali ya Kilema.

**149. MHESHIMIWA KIZA HUSSEIN MAYEYE (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kukosekana kwa Madaktari Bingwa na Wataalamu wengine katika Hospitali ya Rufaa ya Mkoa wa Kigoma kunafanya Wagonjwa wengi kupewa rufaa ambazo zingeweza kushughulikiwa kwenye Hospitali ya Rufaa ya Mkoa:-

Je, ni lini Serikali itapeleka Madaktari Bingwa na Wataalamu wengine wa kutosha katika Hospitali ya Rufaa ya Mkoa wa Kigoma.

**WIZARA YA MIFUGO NA UVUVI:**

**150. MHESHIMIWA HAMIDA MOHAMED ABDALLAH (VITI MAALUM):**

Atamuuliza Mheshimiwa Waziri wa Mifugo na Uvuvi:- Mwaka 1974 Tanzania iliridhia Mkataba wa Kuzuia Uchafuzi wa Bahari na Usalama wa Bahari ambao lengo moja wapo ni kuzuia uvuvi haramu wa kutumia mabomu na kutoa misaada ya vifaa vya kuzuia uchafuzi wa Bahari:-

(a) Je, Serikali imeweka mikakati gani ya kuzuia uvuvi haramu wa kutumia mabomu ambao bado unaendelea;

(b) Je, Serikali inawasaidiaje Wavuvi ili waachane na uvuvi haramu wa kutumia mabomu.

**151. MHESHIMIWA GOODLUCK ASAPH MLINGA  
(ULANGA):**

Atamuuliza Mheshimiwa Waziri wa Mifugo na Uvuvi:- Wilaya ya Ulanga ina ongezeko kubwa la mifugo aina ya Ng'ombe, Mbuzi, Kondoo na Nguruwe lakini hakuna huduma za mifugo kama vile majosho:-

Je, ni lini Serikali itatoa fedha kwa ajili ya ujenzi wa majosho.

**WIZARA YA ELIMU, SAYANSI NA TEKNOLOJIA:**

**152. MHESHIMIWA BALOZI DKT. DIODORUS  
BUBERWA KAMALA (NKENGE):**

Atamuuliza Mheshimiwa Waziri wa Elimu, Sayansi na Teknolojia:- Chuo cha Maendeleo ya Wananchi – Gera ni muhimu katika kuchochea maendeleo:-

Je, Serikali ina mpango gani wa kuboresha utendaji wa Chuo hicho.

### **153. MHESHIMIWA ESTER MICHAEL MMASI (VITI MAALUM):**

Atamuuliza Mheshimiwa Waziri wa Elimu, Sayansi na Teknolojia:- Baadhi ya Vyuo Vikuu nchini vimekuwa na utamaduni wa kutozingatia miongozo ya Serikali Kuu katika kuongoza na kusimamia Vyuo Vikuu Nchini na hata kupelekea kupuuzwa kwa stahiki za Wafanyakazi wa Elimu ya Juu kwa kisingizio cha Elimu ya Juu inajiongoza na kujisimamia yenyewe chini ya *“University Charter”*:-

Je, ni nini kauli ya Serikali katika hili.

#### **IV. HOJA ZA SERIKALI:**

**WAZIRI WA HABARI, UTAMADUNI, SANAA NA MICHEZO:**

Kwamba, Bunge sasa likubali kupitisha Makadirio ya Mapato na Matumizi ya Wizara ya Habari, Utamaduni, Sanaa na Michezo kwa Mwaka wa Fedha 2018/2019.



**DODOMA  
27 APRILI, 2018**

**S. KAGAIGAI  
KATIBU WA BUNGE**